



REPUBLIKA E SHQIPËRISË
KËSHILLI KOMBËTAR I UJIT

Nr. 264 prot.

Tiranë më, 14.02.2020

V E N D I M

Nr. 3 , datë 13.02.2020

P Ë R

**MIRATIMIN, PARAPRAK, TË FORMULARËVE TË KËRKESËS
PËR PËRDORIM BURIMI UJOR, VEPRIMTARI NDËRTIMORE
NË BRIGJE, VEPRIMTARI NË SHTRATIN E BURIMIT UJOR,
SHKARKIME TË LËNGSHME, RINOVIMIT, DOKUMENTEVE
SHOQËRUESE, FORMATEVE TË MIRATIMIT NË PARIM,
LEJES E AUTORIZIMIT, KUSHTEVE TË POSAÇME TË TYRE,
PROCEDURËS SË SHQYRTIMIT E VENDIMMARRJES, SI DHE
AFATEVE TË VLEFSHMËRISË**

Në mbështetje të pikës 3, të nenit 41, pikës 3, të nenit 42, pikës 5, të nenit 44, pikës 2, të nenit 50, pikës 6, të nenit 53, pikës 3, të ligjit nr.111/2012, “Për menaxhimin e integruar të burimeve ujore”, të ndryshuar, të paragrafit “vii”, të shkronjës “a”, të pikës 1, të kreut III, të vendimit nr.221, datë 26.4.2018, të Këshillit të Ministrave, “Për organizimin dhe funksionimin e Agjencisë së Menaxhimit të Burimeve Ujore”, me propozimin e Agjencisë së Menaxhimit të Burimeve Ujore, Këshilli i Kombëtar i Ujit

V E N D O S I:

I. DISPOZITA TË PËRGJITHSHME.

1. Objekt i këtij vendimi është miratimi paraparak i formularëve të kërkesës për përdorim burimi ujqor, veprimtari ndërtimore në brigje, veprimtari në shtratin e burimit ujqor, shkarkime të lëngshme, rinovimit, dokumenteve shoqëruese, formateve të miratimit në parim, lejes e autorizimit, kushteve të përgjithshme e të posaçme të lejeve e autorizimeve, procedurës së shqyrtimit e vendimmarrjes, si dhe afateve të vlefshmërisë.

2. Shkurtime dhe përkufizimet e mëposhtme kanë këtë kuptim:

- a) “AMBU”, Agjencia e Menaxhimit të Burimeve Ujore.
- b) “KKU”, Këshilli Kombëtar i Ujit.
- c) “KBU”, Këshilli i Basenit Ujor.
- ç) “ZABU”, Zyra e Administrimit të Basenit Ujor.
- d) “Person fizik”, personi fizik në kuptim të Kodit Civil dhe personi që ushtron veprimtari tregtare, i regjistruar në Qendrën Kombëtare të Biznesit si person fizik.

II. FORMULARËT E KËRKESËS, DOKUMENTET SHOQËRUESE, FORMATET E MIRATIMIT NË PARIM, LEJES E AUTORIZIMIT PËR PËRDORIM BURIMI UJOR, VEPRIMTARI NDËRTIMORE NË BRIGJE, VEPRIMTARI NË SHTRATIN E BURIMIT UJOR, SHKARKIME TË LËNGSHME, RINOVIMIT, KUSHTET E PËRGJITHSHME E TË POSAÇME TË TYRE.

- 3. Miratimin paraprak të formularëve të kërkesës për secilën veprimtari për të cilën kërkohet miratim në parim, leje, autorizim për përdorim burimi ujor, veprimtari ndërtimore në brigje, veprimtari në shtratin e burimit ujor, shkarkime të lëngshme, rinovimit e transferimit të tyre, të dokumentacionit teknik e ligjor shoqërues sipas shtojcës 1 dhe të përmbajtjes së dokumentacionit teknik sipas shtojcës 3, bashkëlidhur këtij vendimi.
- 4. Miratimin paraprak të formateve të lejes e autorizimit për përdorim burimi ujor, veprimtari ndërtimore në brigje, veprimtari në shtratin e burimit ujor, shkarkime të lëngshme dhe kushtet e posaçme të tyre, sipas shtojcës 2, bashkëlidhur këtij vendimi.

III. PARAQITJA DHE PROCEDURA E SHQYRTIMIT TË KËRKESËS PËR MIRATIM NË PARIM, LEJE, AUTORIZIM PËR PËRDORIM BURIMI UJOR, VEPRIMTARI NDËRTIMORE NË BRIGJE, VEPRIMTARI NË SHTRATIN E BURIMIT UJOR DHE PËR SHKARKIME TË LËNGSHME.

- 5. Çdo person fizik, juridik, privat apo shtetëror, në vijim kërkues, i cili kërkon miratim në parim për nisjen e një procedure koncesioni ose leje,

autorizim për përdorim burimi ujqor, për veprimtari ndërtimore në brigje, veprimtari në shtratin e burimit ujqor dhe shkarkime të lëngshme, paraqet personalisht ose nëpërmjet përfaqësuesit të tij kërkesën në sistemin elektronik të lejeve e autorizimeve për përdorim burimi ujqor, në vijim sistemi elektronik.

Kërkesa paraqitet nëpërmjet plotësimit të formularit të të dhënave të përgjithshme, ngarkimit në sistemin elektronik të formularit të kërkesës për veprimtarinë përkatëse, të dokumentacionit teknik e ligjor shoqëruar të përcaktuar në të dhe të dokumentit që provon pagesën e tarifës së kërkesës. Dokumentacioni teknik që ngarkohet duhet të jetë i nënshkruar me firmë elektronike nga subjekti hartues i licencuar.

6. Kërkesa dhe dokumentacioni shoqëruar shqyrtohet nga AMBU-ja.

7. AMBU-ja shqyrton formalisht, brenda 7 ditëve pune, nëse është paraqitur i gjithë dokumentacioni teknik e ligjor. Ky afat fillon nga dita e nesërme e regjistrimit të aplikimit në sistemin elektronik. Në rast se dokumentacioni nuk është i plotë, AMBU-ja njofton kërkuarësin që, brenda 10 ditëve kalendarike, të plotësojë dokumentacionin. Me dërgimin e njoftimit si më sipër, ndërpritet llogaritja e afatit të shqyrtimit të kërkesës deri në plotësimin e dokumentacionit dhe fillon një afat i ri. Nëse kërkuarësi nuk plotëson dokumentacionin brenda afatit të caktuar ose nëse dokumentacioni i ngarkuar në sistem ka përsëri mangësi, atëherë AMBU-ja merr vendim të arsyetuar për refuzimin e kërkesës.

8. Në mungesë njoftimi për mangësi në dokumentacion, brenda afatit të përcaktuar në pikën 7, të këtij kreu, AMBU-ja ka detyrimin të vijojë me shqyrtimin teknik e ligjor të kërkesës.

9. Pasi kërkuarësi ka plotësuar dokumentacionin e nevojshëm teknik e ligjor, të përcaktuar në formularët e kërkesës për secilën veprimtari dhe ka paguar tarifën e kërkesës, AMBU-ja, brenda 15 ditëve pune, përfundon shqyrtimin teknik e ligjor të kërkesës.

Nëse gjatë procesit të shqyrtimit të kërkesës AMBU-ja konstaton mangësi në përmbajtje, mospërputhje të dhënash teknike dhe/ose ligjore ose vlerëson se është e nevojshme që të kryhen ndryshime në projektin e paraqitur, njofton kërkuarësin për plotësimin, korrigjimin, ndryshimin e dokumentacionit ose të projektit duke dhënë arsytet përkatëse. Këto veprime duhet të kryhen nga kërkuarësi brenda 15 ditëve pune nga

njoftimi. Ky afat zbatohet për plotësimin apo saktësimin e dokumenteve për të cilat nuk kërkohet miratimi nga organet e administratës shtetërore ose të enteve publike. Nëse për plotësimin, ndryshimin e dokumentacionit ose të projektit kërkohet miratim nga organet e administratës shtetërore ose të enteve publike, atëherë afati për plotësimin e tyre është brenda 60 ditëve kalendarike. Me dërgimin e njoftimit si më sipër, ndërpritet llogaritja e afatit të shqyrtimit teknik e ligjor të kërkesës deri në plotësimin e dokumentacionit nga kërkuesi dhe fillon një afat i ri.

Nëse plotësimi, korigjimi, ndryshimi i dokumentacionit ose i projektit nuk është i plotë, atëherë kërkuesi njoftohet dhe një herë për kryerjen e veprimeve të nevojshme sipas afateve të përcaktuara në paragrafin 2, 3 të kësaj pike. Në rast se ndryshimet nuk ngarkohen në sistemin elektronik brenda afateve të përcaktuara apo ngarkohen përsëri me mangësi, atëherë AMBU-ja merr vendim për refuzimin e kërkesës.

10. Pas shqyrtimit të kërkesës sipas pikave 7, 8 e 9, të këtij kreu, AMBU-ja e dërgon për mendim kërkesën për leje, autorizim, nëpërmjet sistemit elektronik, institucioneve që përfaqësohen me anëtarë në K KU, në rastet kur ligji parashikon se miratimi është kompetencë e këtij organi, ose kryetarit të KBU-së, përfaqësuesve të grupeve të interesit dhe institucioneve që përfaqësohen me anëtarë në këtë organ, në rastet kur miratimi është kompetencë e KBU-së. Institucionet dhe përfaqësuesit e grupeve të interesit duhet të shprehin mendimin e tyre brenda 10 ditëve pune.

AMBU-ja ka të drejtë t'ia dërgojë për mendim kërkesën për leje, autorizim dhe institucioneve të tjera shtetërore ose operatorëve të shërbimeve publike, të cilët brenda 10 ditëve pune kanë detyrimin të japin informacion apo pëlqim lidhur me kërkesën.

Institucionet shtetërore, që u dërgohet kërkesa për mendim, shprehen për përputhshmërinë e kërkesës me politikën, strategjitë, projektet dhe legjislacionin që rregullon fushën e tyre të përgjegjësisë shtetërore. Anëtari i KBU-së, që përfaqëson grupet e interesit, shprehet për cenimin ose jo të interesit të grupit që përfaqëson.

Në mungesë të përgjigjes brenda afatit 10-ditor, prezumohet që institucioni ose grupi i interesit nuk ka komente për kërkesën dhe është dakord të paraqitet për shqyrtim në mbledhjen e K KU-së ose KBU-së. Në këtë rast, AMBU-ja ka detyrimin të vijojë me paraqitjen e saj për miratim në organin kompetent.

11. Nëse gjatë procesit të bashkërendimit të kërkesës për leje, autorizim sipas pikës 10, të këtij kreu, një nga institucionet shprehet për mangësi në dokumentacionin e paraqitur nga subjekti sipas formularit përkatës ose kundërshton dhënien e lejes, autorizimit, atëherë AMBU-ja, pasi e vlerëson këtë mendim nëse është brenda fushës së përgjegjësisë shtetërore të institucionit përkatës, i kërkon kërkuarit të plotësojë mangësitë e konstatuara brenda 10 ditëve pune ose pasqyron në raportin teknik e ligjor arsyet e kundërshtimit. Në rast se ndryshimet nuk ngarkohen në sistemin elektronik brenda këtij afati apo ngarkohen përsëri me mangësi, atëherë AMBU-ja njofton dhe një herë kërkuarin për plotësimin e dokumentacionit brenda 5 ditëve pune. Nëse plotësimet nuk ngarkohen në sistemin elektronik ose janë përsëri me mangësi, atëherë AMBU-ja merr vendim për refuzimin e kërkesës.
12. Në përfundim të shqyrtimit të kërkesës dhe bashkërendimit të saj sipas pikave 7, 8, 9,10, 11, të këtij kreu, AMBU-ja përgatit raportin e vlerësimit teknik e ligjor dhe e përcjell për vendimmarrje në Këshillin Kombëtar të Ujit ose në Këshillin e Basenit Ujor, sipas kompetencave të përcaktuara në ligj për miratimin e veprimtarisë përkatëse. Në këtë rast, AMBU-ja njofton subjektin nëpërmjet sistemit elektronik për përfundimin e procedurës së shqyrtimit të kërkesës dhe për përcjelljen e saj pranë organit kompetent.

IV. VENDIMMARRJA DHE HYRJA NË FUQI E VENDIMIT.

13. KKKU-ja, brenda 60 ditëve kalendarike dhe KBU-ja brenda 45 ditëve kalendarike nga paraqitja e raportit të vlerësimit teknik e ligjor nga AMBU-ja, marrin vendim për:
 - a) miratimin në parim të kërkesës për nisjen e një procedure koncesioni për përdorim burimi ujor;
 - b) miratimin e lejes, autorizimit sipas kërkesës së paraqitur;
 - c) miratimin me ndryshime nga kërkesa e paraqitur;
 - ç) mosmiratimin e kërkesës.
14. Vendimi i KKKU-së dhe i KBU-së hynë në fuqi menjëherë.
15. Vendimi i KKKU-së dhe i KBU-së i njoftohet kërkuarit nëpërmjet sistemit elektronik, jo më vonë se 5 ditë pune nga data e marrjes së vendimit.

16. Në rastin e miratimit të lejes, autorizimit, kërkuesi, brenda 30 ditëve kalendarike nga marrja e njoftimit, duhet të ngarkojë aktet që provojnë pagimin e tarifës së shpenzimeve administrative për dhënien e lejes, autorizimit.
17. AMBU-ja, brenda 10 ditëve pune nga ngarkimi në sistem i dokumentit të pagesës së shpenzimeve administrative të miratimit, plotëson formatin e lejes, autorizimit dhe e ngarkon në sistemin elektronik bashkë me vendimin e KKU-së ose KBU-së, në përputhje me kriteret e dokumentit elektronik. Kërkuesi ka të drejtë të kërkojë edhe dorëzimin fizik të formatit të lejes, autorizimit dhe të vendimit për miratimin e kërkesës.
18. Mospagimi i tarifës së shpenzimeve administrative të dhënies së lejes, autorizimit brenda afatit të përcaktuar në pikën 16 sjell si pasojë pushimin e fuqisë juridike të vendimit të miratimit. Kjo dispozitë nuk zbatohet kur kërkuesi përfshihet në kategorinë e personave që është në kushtet e pamundësisë për të paguar sipas akteve ligjore e nënligjore në fuqi.

V. RINOVIMI I LEJES DHE AUTORIZIMIT.

19. Subjekti i pajisur me leje, autorizim për përdorim burimi ujqor kërkon rinovimin e saj në rastin kur nuk ndryshon llojin e veprimtarisë, vendin e ushtrimit si dhe sasinë e ujit që përdor. Në rast të ndryshimit të njërit prej këtyre elementeve, titullari i saj duhet të paraqesë kërkesë për leje, autorizim të ri.
20. Subjekti i pajisur me leje, autorizim, për përdorim burimi ujqor, veprimtari ndërtimore në brigje, veprimtari në shtratin e burimit ujqor dhe për shkarkime të lëngshme, jo më vonë se 6 muaj përpara përfundimit të afatit të vlefshmërisë njofton AMBU-në nëse do të kërkojë rinovimin e tyre. Nëse ky njoftim nuk bëhet nga subjekti, AMBU-ja njofton titullarin e saj jo më vonë se 5 muaj përpara përfundimit të afatit të vlefshmërisë, të shprehet me shkrim nëse do të kërkojnë rinovimin.
21. Kërkesa për rinovimin e lejes, autorizimit paraqitet nëpërmjet sistemit elektronik sipas formularit përkatës duke plotësuar dokumentacionin e kërkuar.

22. Shqyrtimi i kërkesës për rinovim dhe vendimmarrja bëhen sipas procedurës dhe afateve të parashikuara në kreun III, të këtij vendimi.

VI. HYRJA NË FUQI E LEJES, AUTORIZIMIT, AFATET E VLEFSHMËRISË.

23. Leja, autorizimi për përdorimin e burimit ujqor hyn në fuqi vetëm pas publikimit të saj në Regjistrin Kombëtar të Licencave dhe Lejeve, përveçse kur hyrja në fuqi lidhet me botimin në "Fletoren zyrtare".

24. Afati i vlefshmërisë së miratimit në parim për nisjen e një procedure koncesioni, e autorizimit, lejes për përdorimin e burimeve ujore sipërfaqësore, nëntokësore dhe shkarkimeve të lëngshme është, si më poshtë vijon:

- a) Miratimi në parim jepet për një periudhë kohore 2 vjet;
- b) Autorizimi jepet për një periudhë kohore 5 vjet;
- c) Leja jepet për një periudhë kohore 5 vjet;
- ç) Në rastet e përdorimit të burimit ujqor me koncesion ose kur përdorimi i burimit ujqor i shërben kryerjes së një veprimtarie me koncesion afati i lejes, autorizimit është në përputhje me afatet e koncesionit;
- d) Në rastin e investimeve strategjike, afati i lejes, autorizimit është në përputhje më afatin për të cilin është dhënë statusi "Investim /investitor strategjik, procedurë e asistuar/e veçantë".

25. Afati i vlefshmërisë së lejes, autorizimit për veprimtari ndërtimore në brigje dhe veprimtari në shtratin e burimit ujqor është, si më poshtë vijon:

- a) Autorizimi i posaçëm për përdorim burimi ujqor për veprimtari ndërtimi, rindërtimi ose shembjen e objekteve për mbrojtjen e brigjeve, mureve, pritave e veprave të tjera në brigje është i vlefshëm për një periudhë 2-vjeçare nga data e miratimit deri në fillimin e zbatimit në terren;
- b) Autorizimi për përdorim burimi ujqor për veprimtari ndërtimore në brigje është i vlefshëm për një periudhë 2-vjeçare nga data e miratimit deri në fillimin e zbatimit në terren;
- c) Autorizimi për veprimtari mbrojtëse të përkohshme në rast emergjence është sipas kërkesës së paraqitur nga strukturat e ngritura për përballimin e emergjencave civile;

- c) Leja për përdorim burimi ujqor për ndërtimin e strukturave ankoruese, portuale, veprave mbrojtëse në det dhe ishujve artificialë në det është e vlefshme për një periudhë 2-vjeçare nga data e miratimit deri në fillimin e zbatimit në terren;
- d) Leja për shfrytëzimin e materialeve inerte që nxirren nga shtretërit e lumenjve, përrenjve, liqeneve me ose pa ujë është sipas grafikut të punimeve, por jo më shumë se 3 vjet;
- dh) Leja për rehabilitimin e trupave ujqorë është sipas grafikut të punimeve;
- e) Leja/autorizimi për veprimtari të tjera në brigje dhe shtratin e burimit ujqor është e vlefshme për një periudhë 2-vjeçare nga data e miratimit deri në fillimin e zbatimit në terren.

26. Pezullimi, anulimi, shfuqizimi i autorizimit dhe i lejes bëhen për shkaqet e përcaktuara në nenet 54 e 55, të ligjit nr.111/2012, "Për menaxhimin e integruar të burimeve ujqore", të ndryshuar, sipas procedurave të parashikuara në ligjin që rregullon veprimtarinë e dhënies së licencave, lejeve dhe autorizimeve në Republikën e Shqipërisë dhe në legjislacionin në fuqi.

VII. DISPOZITA TRANZITORE DHE TË FUNDIT.

27. Deri në funksionimin e plotë të sistemit elektronik të lejeve dhe autorizimeve për përdorim burimi ujqor, paraqitja e kërkesës dhe e dokumentacionit teknik e ligjor shoqërues do të bëhet pranë ZABU-së përkatëse, e cila shqyrton dhe e paraqet në mbledhjen e KBU-së pasi subjekti ka plotësuar dokumentacionin e nevojshëm sipas kërkesave të këtij vendimi.

28. Ngarkohet AMBU-ja për ndjekjen e procedurës së miratimit të këtij vendimi në Këshillin e Ministrave.

Ky vendim hyn në fuqi menjëherë.

KRYETARI

EDI RAMA

